

5.5132 (35)

WILLISON (John)

(The Mother's Catechism)

Leab~~h~~A Cheist na Matha~~r~~..

.....

EDIN. 1835

LIBRARY OF SCOTTISH
UNIVERSITY OF EDINBURGH

THE
MOTHER'S
CATECHISM.
(GAELIC.)



EDINBURGH:
PUBLISHED BY
THORNTON AND COLLIE,
Gaelic Book Depository,
18, SOUTH ST DAVID STREET

Price Three Halfpence.



LEABHAR CHEIST

NA

MATHAR;

(ANN AN GAELIC AGUS ANN AM BEURLA,)

NO

*Roimh-Chuideachadh do'n Dream a ta
Og agus Aineolach,*

Chum an Deanamh Comasach air

LEABHAR CHEIST EAGLAIS NA H-ALBA
THUIGSINN.

LEIS AN URRAMACH EOIN WILLISON,
Ministeir an t-Soisgeil a bha'n Dundeach.

CLO-BHUALADH UR,

Air Eadar-theangachadh o'n Bheurla, agus air a Ghlanadh
o Mhearachdan, air iarrtas na Cuideachd Urramaich
a ta chum Eolas Criosduidh a sgaoileadh air feadh
Gaelteachd agus Eileinibh na h-Alba.

DUNEIDIN:

CLO-BHUAILTE AGUS RA'N REIC
LE EOIN AGUS DAIBHIDH COLLIE.

1835.

Air son Ceithir Sgillinnean.

LEABHAR CHEIST
NA
MATHAR.

- C. Co a rinn thu ?
 F. Rinn Dia.
 C. Co is Fear-saoraidh dhuit ?
 F. Iosa Crìosd.
 C. Co a naomhaicheas thu ?
 F. An Spiorad Naomh.
 C. Cia dheth a rinneadh thu ?
 F. Do'n duslach.
 C. Cìod ata sin a' teagasg dhuit ?
 F. Bhi iriosal agus cuimhneach air a' bhàs.
 C. Cìod a' chrìoch airson an d'rinneadh thu ?
 F. A thoirt seirbhis do Dhia.
 C. Cionnus is còir dhuit seirbhis a dheanamh do Dhia ?
 F. Le umhlachd a thoirt d'a àitheantaibh, le earbsa as ; agus gu sonraichte, le leughadh, éisdeachd, urnuigh, agus moladh, &c.
 C. Cìod an ni àraidh is còir dhuit a chuimhneachadh ann an làithibh t'òige ?
 F. Mo Chruithear agus m' Fhear-saoraidh.
 C. C'àit am bheil t'ard shonas a' co-sheasamh ?
 F. Ann an Dia a mhealtuinn.
 C. Cìod a ta Dia gu h-àraidh ag iarraidh ort ?
 F. Creidsinn ann, agus umhlachd a thoirt dha.
 C. Cìod i riaghailt do chreidibh agus t'umhlachd ?
 F. Na Sgrìobtuirean Naomha.
 C. C'àit am bheil iad air an cur sìos ?
 F. Anns an t-seann Tìomnadh agus san Tìomnadh nuadh.
 C. Cionnus a tha an seann Tìomnadh a' tòiseachadh agus a' crìochnachadh ?
 F. Tha e tòiseach le Genesis, agus a' crìochnachadh le Malachi.
 C. Cionnus a ta an Tìomnadh Nuadh a' tòiseachadh agus a' crìochnachadh ?
 F. Tha e a' tòiseachadh le Matta, agus a' crìochnachadh le Taisbean.
 C. Nach e am Biobul an leabhar is fearr a ta san t-saoghal ?
 F. Is e.
 C. Cia mar sin ?
 F. Do bhri gur e Dia is nghd. dha, agus gu bheil a bhriathra air an deachdadh leis.
 C. Nach bu chòir dhuitse bh dìchiollach chum am foghlum agus an tuigsinn ?
 F. Bu chòir dhomh.
 C. Cìod e Dia ?
 F. Is spiorad e.
 C. Cìod e spiorad ?
 F. Bith neo-fhaicsinneach, nach 'eil air a dheanamh suas do fhuil agus do fheoil, mar a ta sinne ?
 C. Am bheil spioraid sam bith eile ann ach Dia ?
 F. Tha.
 C. Cìod iad ?
 F. Aingil agus anama dhaoine.
 C. Cìod an t-eadar-dhealachadh a ta eadar iadsan agus Dia ?
 F. Cha'n 'eil aingle agus anama dhaoine ach 'nan spioradaibh cruthaichte agus crìochnaichte ; ach a ta Dia 'na spiorad

neo-chruthaichte agus neo-chrìochnaichte.

C. An robh toiseach sam bith aig Dia ?

F. Cha robh.

C. Am bi crìoch gu bràth aige?

F. Cha bhi.

C. Am bheil e ann o bhith-bhuantachd gu bithbhuantachd? F. Tha.

C. An robh toiseach ag ainglibh is aig anamaibh dhaoine ?

F. Bha.

C. Co thug sin doibh ?

F. Thug Dia.

C. Am bi crìoch aca ?

F. Cha bhi.

C. Nach 'eil Dia ni's ro ghlòrmhoire na's urrainn sinne a thuigsinn ? F. Tha.

C. Cia lion Dia a ta ann ?

F. Cha'n 'eil ann ach aon a mhàin.

C. Cia lion pearsa a ta san Diadhachd ?

F. Tri pearsa.

C. Co iad ?

F. An t-Athair, an Mac, agus an Spiorad Naomh.

C. Nach ionann nàdur do'n triuir sin ?

F. Is ionann.

C. An robh toiseach aig an t-saoghal ? F. Bha.

C. Co a rinn e ?

F. Rinn Dia.

C. Co dheth a rinn se e ?

F. Do neo-ni.

C. Co leis a rinn se e ?

F. Le focal a chumhachd.

C. Ciod an ùin a ghabh e g'a dheanamh ?

F. Sia làithean.

C. Ciod an staid san d' rinn e na h-uile nithe ?

F. Rinn e na h-uile nithe gu ro mhaith.

C. Co do na làithibh air an d' rinneadh an duine ?

F. Air an t-siathamh latha.

C. Ciod a rinn Dia air an t-seachdamh latha ?

F. Ghabh e fois o 'uile oibribh, agus naomhaich se e chum a bhi na shàbaid dha féin.

C. Co an ceudfhear agus a' cheud bhean a bha air an t-saoghal ?

F. Adhamh agus Eubha.

C. Ciod an staid san do chruthaicheadh iad ?

F. An staid naomh agus shona.

C. An robh iad saor o gach peacadh agus truaighe ? F. Bha.

C. An d' fhan iad anns an staid sin ?

F. Cha d' fhan.

C. Cia mar a thuit iad uaithe ?

F. Le briscadh cumhnaint ri Dia.

C. Cia lion cumhnant a rinn Dia ris an duine ?

F. Dà chumhnant.

C. Ciod iad ?

F. Cumhnant nan gnìomh, agus cumhnant nan gràs.

C. Co ris a rinn Dia cumhnant nan gnìomh ?

F. Ri ar ceud sinnsearaihh, Adhamh agus Eubha.

C. Am b'ann 'nan ainm féin a mhàin a rinncadh e ?

F. Cha b'ann 'nan ainm féin a mhàin, ach an ainm an sliochd gu léir

- C. Co ris a rinn Dia cumhnant nan gràs ?
- F. Rì Crìosd an ainm na muinntir taghta.
- C. Co iad a' mhuinntir taghta?
- F. An dream sin a roghnaich Dia o shiorruidheachd, agus a thug e do Chrìosd chum a bhì air an saoradh o fheirg.
- C. C'ar son a ghoirear cumhnant nan gnìomh do'n cheud chumhnant ?
- F. Do bhrì gur gnìomh, no umhlachd a bha air iarraidh ann.
- C. Cìod a' ghnè umhlachd a bha e ag iarraidh ?
- F. Umhlachd iomlan.
- C. C'ar son a ghoirear cumhnant na beatha dheth ?
- F. Du bhrì gur e beatha an luach a bha air a ghealltainn air son a choimhead.
- C. Cìod a' ghnè bheatha a gheall e ?
- F. Beatha aimsireil, spioradail, agus shiurruidh.
- C. Cìod an peanas a bha air a bhagradh air son briseadh a' chumhnant so ?
- F. An bàs: oir thubhairt Dia, "Anns an lá a dh'itheas tu dheth gu cinnteach bàsaichidh tu."
- C. Cìod e gnè bhàis a bha air a bhagradh ?
- F. Bàs aimsireil, spioradail, agus siorruidh.
- C. Cìod e am bàs aimsireil ?
- F. Dealachadh an anama o'n chorp.
- C. Cìod e am bàs spioradail ?

- F. Dealachadh an anama o Dhia.
- C. Cìud e am bàs siorruidh ?
- F. Dealachadh an anama agus a' chuirp araon, o Dhia gu siorruidh.
- C. An do choimhead ar ceud sinnseara cumhnant nan gnìomh ?
- F. Cha do choimhead.
- C. Cionnus a bhrìst iad e ?
- F. Le icheadh do'n mheas thoirmisgte.
- C. Co a thuirmisg dhoibh itheadh ?
- F. Dia.
- C. Co a dh'iarr orra itheadh ?
- F. An diabhal.
- C. An robh e 'na pheacadh mòr dhoibh itheadh dheth ?
- F. Bha.
- C. Cìod a rinn mar sin e ?
- F. Do bhrì le itheadh, gu'n d'thug iad easumhlachd do Dhia, pheacaich iad an aghaidh an t-soluis bu mhò, bha iad neo-thaingeil do Dhia, mi-thoilichte le'n staid, agus chreid iad an diabhal a roghainn air Dia.
- C. An d'thàinig ar ceud sinnseara, agus an sliochd gu léir fo pheanas a' cheud chumhnant air a shon so ?
- F. Thàinig.
- C. An do bhàsaich iad sa latha sin féin san d'ith iad am meas toirmisgte ?
- F. Bhàsaich iad gu spioradail sa' cheart latha sin, agus mar an ceudna, rinneadh luaitheach iad do bhàs aimsireil agus siorruidh.

C. Nach do chaill iad sona mòr le'n tuiteam ?

F. Chaill.

C. Ciod a chaill iad ?

F. Chaill iad ìomhaigh Dhé, agus co-chomunn maille ris.

C. Ciod a ta thu a' ciallachadh le ìomhaigh Dhé a chaill iad ?

F. An naomhadh, agus an fhiorghloine sin a bha air an suidheachadh 'nan nàdur 'nuair a chruthaicheadh iad, do'n goirear a' cheud fhìreantachd.

C. Ciod a tha thu a' ciallachadh leis a' cho-chomunn sin ri Dia a chaill iad ?

F. An coluadar sòlasach, agus an co-chaidreamh a bha aig ar ceud sinnsearaibh ri Dia roimh an leagadh.

C. Am bheil dòigh sam bith leis am feud na beannachdan luachmhor sin bhì air an aisig dhuinn aris ? F. Tha, tre Ìosa Crìosd.

C. Am bheil thu buailteach de gach call agus truaighe a thug Adhamh air féin leis an leagadh ? F. Tha mi.

C. Ciod an staid anns am bheil an duine air a bhreith a nis ?

F. Ann an staid peacaidh agus truaighe.

C. An d' thug thu peacadh air bith leat chum an t-saighail ?

F. Thug.

C. C' aiam a their thu ris ?

F. Peacadh gin.

C. Ciod e peacadh gin ?

F. Am peacadh ta air ionchar a' uas thugam le mo pharantaibh o Adhamh.

C. Am bheil thu araon ciontach agus salach leis a' pheacadh sin ?

F. Tha mi.

C. Am bheil do nàdur araon air a shalachadh agus air a thruilleadh leis ? F. Tha.

C. Cionnus ata rìos agad airsin ?

F. Do bhrì gu bheil mi a' mothachadh gu bheil mo chridhe a thaobh nàduir do-lùbaidh chum an ni a ta maith ; agus so-aomaidh chum an ni ata olc.

C. Ciod am peacadh eile a ta agad a bhàrr air peacadh gin ?

F. Tha peacadh gnìomh agam mar an ceudna.

C. Ciod e peacadh gnìomh ?

F. Am peacadh sin a ta mi a' deanamh gach latha an smuain, am briathar, agus an gnìomh.

C. Nach e am peacadh gin an tobar o'm bheil gach peacadh gnìomh a sruthadh ? F. Se.

C. Nach 'eil thu truaigh cho maith agus peacach a thaobh an leagaidh ? F. Tha mi.

C. Ciod iad na truaighean a thug an leagadh oirnn ?

F. Tha iad tri-fillte ; aimsireil, spioradail, agus sierruidh.

C. Ciod iad na truaighean aimsireil ?

F. Trioblaidean agus àmhghairean a' chuirp.

C. Ciod, iad sin ?

F. Gorta, cogadh, plàigh, bochduinn, masladh, tinneas, agus guin a' bhàis mu dheireadh.

C. Ciod iad na truaighean spioradail fo'm bheil sinn a thaobh an leagaidh ?

- F. Plàighcan agus galairean an anama.
- C. Ciod iad sin ?
- F. Call ìomhaigh Dhé, agus co-chomunn ris, doille inn-tinn, cruas cridhe, neo-mhothachadh coguis, laigse cuimhne, agus an leithide sin.
- C. Ciod iad na truaighean siorruidh do'm bheil sinn buailteach?
- F. Do phianntaibh ifrinn nach teirig am feasd.
- C. Am bheil teasairginn sam bith do dhaoine cailte fo bhristeadh a' cheud chumhnaint ?
- F. Tha.
- C. An d'rinn Dia cumhnant air bith eil air ar son ?
- F. Rinn.
- C. C'ainm a ghoirear dheth ?
- F. Cumhnant nan gràs.
- C. C'arson a ghoirear sin dheth ?
- F. Do bhrì gu bheil na nithe a ta air angealltuinn ann nan saorthiodhlac dhuinne o Dhia ; agus mar sin tha eadhon creidimh féin,—ni as eugmhais nach urrainn duinn còir fhaotainn air Criosd, agus air sochairibh a' chumhnaint so.
- C. Nach 'eil an eumhnant so ni's ro-òirdheire nan ceud chumhnant ?
- F. Tha.
- C. An robh eadar-mheadhonair anns a' cheud chumhnant ?
- F. Cha robh.
- C. An robh comas aithreachais, no gealladh air maitheanas pheacaidh ann ?
- F. Cha robh.
- C. Am bheil cumhnant nan gràs a' gabhail riu sin uile ?
- F. Tha.
- C. Am feud cumhnant nan gràs bhi air a bhristeadh no air a sgaoileadh le ar peacaibh-ne, mar a bha cumhnant nan gnìomh ?
- F. Cha'n fheud.
- C. Am bheil so na aobhar misnich dhuinne gu dol air ar n-aghaidh ann am peacadh ?
- F. Cha'n 'eil air dòigh air bith ; ach tha e 'na aobhar misnich chum naomhachd ; oir cha'n fheud sinn peacachadh a chionn gu bheil gràs saoi bhir.
- C. C'ar son a ta cumhnant nan gràs cho seasmhach agus cho daingean ?
- F. Do bhrì gu bheil Eadar-mheadhonair agus Urras ann a chum freagradh air ar son.
- C. Cò a dh'uillich an t-Urras òirdhearc so dhuinne ?
- F. Dia.
- C. Ciod a ghluais e gu sin a dheanamh ?
- F. A shaor-ghràdh féin.
- C. An do thoill an duine ni sam bith o làimh Dhe 'na staid chailte ?
- F. Cha do thoill ni air bith, ach fearg air son a pheacaidh.
- C. Cia mar a ta dùil agad ri maitheanas fhaotainn ann ad pheacadh ?
- F. Tre Iosa Criosd, an t-Urras air son pheacach chailte.
- C. An toir Dia maitheanas dhuit ann ad pheacadh gun dioladh d'a cheartas ?
- F. Cha toir.
- C. Am bheil thu comasach air

- ceartas Dé a dhioladh air son do pheacanna féin ?
 F. Cha'n 'eil.
 C. Am bheil Dia toileach air dioladh a ghabhail o neach eile air do shon ?
 F. Tha.
 C. Ach co a ta comasach agus toileach air an dioladh sin a thoirt seachad air ar son ?
 F. Tha Iosa Crìosd araon deònach agus comasach.
 C. An robh neach air bith eile comasach air so a dheanamh ach esan a mhàin ?
 F. Cha robh.
 C. C'ar son so ?
 F. Do bhrì nach b'urrainn neach air bith eile fearg neo-chriochnach a ghiulan.
 C. Cò e an t-Iosa Crìosd so ?
 F. Mac Siorruidh Dhé, agus an dara Pearsa do'n Trionaid ghlòrmhoir.
 C. Am bheil dream eile ann do'n goirear mic Dhé a thuille air ar Tighearn Iosa Crìosd ?
 F. Tha.
 C. Co iad ?
 F. Aingil agus creidmhich.
 G. Nach 'eil eadar-dhealachadh mòr eadar iadsan agus Crìosd ?
 F. Tha.
 C. Cionnus a ta na h-aingil 'nam mic do Dhia ?
 F. Thaobh cruthachaidh: anns an t-seadh so goirear mac Dhé do Adhamh.
 C. Cionnus a ta na creidmhich 'nan mic do Dhia ?
 F. Thaobh ath-ghineamhuinn agus uchd-mhacachd.

- C. Cionnus a ta Crìosd na Mhac do Dhia ?
 F. Thaobh ginealaich shiorruidh; agus uime sin goircear aon Mhac Dhé dheth.
 C. Ciod a rinn Crìosd air son pheacach chailte ?
 F. Ghabh e os làimh bhì na Eadar-mheadhonair eadar Dia agus iadsan.
 C. Cò iad a ta e a' saoradh ?
 F. Na daoine taghta.
 C. Cia uaith a ta e 'gan saoradh ?
 F. O pheacadh agus o ifrinn.
 C. Cionnus a chuir Crìosd an gnìomh na ghabh e os làimh ?
 F. Ghabh e ar nàdur-ne air féin, agus dhòirt e 'fhuil phrìseil air ar son.
 C. Cia lion nàdur ata aig Crìosd ?
 F. Da nàdur.
 C. Ciod iad sin ?
 F. Nàdur Dhé, agus nàdur dhuine.
 C. C'ar son a b' éigin do'r Fear-saoraidh bhì na Dhia agus na dhuine ?
 F. Bha e na dhuine chum bàsachadh air ar son; agus na Dhia chum buaidh a thoirt air a' bhàs.
 C. An robh an t-à nàdur sin aige riamh ?
 F. Cha robh.
 C. Nach robh e na Dhia o shiorruidheachd ?
 F. Bha.
 C. An robh e na dhuine o shiorruidheachd ?
 F. Cha robh.
 C. C'uin a dh'fhàs e na dhuine ?
 F. Ann an iomlaineachd na h-

- airisir, ar uair bha an e-slat
rioghail a' dealachadh ri Iudah.
- C. An mair e na Dhia agus
na dhuine gu sìorruidh?
- F. Mairidh.
- C. Cionnus a rinneadh e na
dhuine?
- F. Le fìor chorp agus anam a
ghabhail da féin.
- C. Co leis a bha e air a bhreth?
- F. Leis an Oighe Muire.
- C. An robh athair air bith aige
air thalamh?
- F. Cha robh.
- C. Cionnus ma ta a ghineadh
e?
- F. Le cumhachd an Spioraid
Naoimh.
- C. C'ar son a ghineadh e air a
mhodh so?
- F. Chum's gu'n biodh e saor
o pheacadh gin.
- C. An robh peacadh no truail-
lidheachd sam bith ann?
- F. Cha robh.
- C. C'ait an d' rugadh e?
- F. An Betlehem.
- C. Co'n treubh o'n d' thàinig e?
- F. O theubh Iudah.
- C. Co'n teaghlach?
- F. O theaghlach Dhaibhidh.
- C. Ciod an staid san d' rugadh
Chrisd?
- F. Ann an staid iosail.
- C. Ciod i an staid sin?
- F. Rugadh e le innaoi bli-
g-inbhich, ann an stapull, agus
chuireadh na luidhe e ann an
prasaich.
- C. An do chaith e beatha iosa
san t-saoghal so?
- F. Chaith e.

- C. C'ar son a rinn e so uile?
- F. Air ar soim-ne.
- C. An do ghabh e air féin aor-
sam bith do dh'annhuinn-
eachdan ar nàduir-ne?
- F. Ghabh e a' chuid sin diubh
a bha coitichionn agus neo-
lochdach.
- C. Ciod iad sin?
- F. Doilgheas, sgìos, ocras,
codal, fallas, 'fhuil a dhòrt-
adh, agus an leithide sin.
- C. C'ar son a ghabh e iad so
air féin?
- F. Chum's gu'm biodh e ni bu-
chomasaich air co-fhulangas a
bhi aige ruinne 'nar n-àmh-
ghacaibh féin.
- C. C'ar son a ghoirear Iosa do'r
Fear-saoraidh?
- F. Do bhrì gu bheil e tèarnadh
a phobuill o'n peacaibh.
- C. C'ar son a ghoirear Chrisd
ùheth?
- F. Do bhrì gu'n robh e air
ungadh agus air a chur air
leth chum dreuchdan an
eadar-mheadhonaireachd.
- C. Cia lion dreuchd chum an d'
orduicheadh e?
- F. Tri.
- C. Ciod iad?
- F. Dreuchd Fàidh, Sagairt,
agus Rìgh.
- C. An bheil feum agad air
Eadar-mheadhonaire leis na
dreuchdan sin uile? F. Tha.
- C. C'ar son a b'èigin do
dhreuchd Eadar-mheadhonaire-
eachd Chrisd a bhi tri-fille?
- F. Chum freagradh do ar
truaighibh tri-fille.

- C. Ciod iad sin ?
 F. Aineolas, cionta, agus daorsa.
 C. Ciod am feum a ta agad air Criosd mar Fhàidh ?
 F. Chum mo theagasg, agus m'aineolas a leigheas.
 C. Ciod am feum a ta agad air Criosd mar Shagart ?
 F. Chum mo chionta a dhioladh, agus eadar-ghuidhe a dheanamh ri Dia as mo lcth.
 C. Ciod am feum a ta agad air Criosd mar Rìgh ?
 F. Chum mo shaoradh o dhaorsa, agus mò riaghladh le a lagh.
 C. Cionnus a ta Criosd a' leigheas ar n-aineolais ?
 F. Le 'fhocal agus le 'Spiorad g'ar teagasg.
 C. Cionnus a' rinn e réite air son ar cionta ?
 F. Le 'bhàs, agus le e féin a thoirt suas na ìobairt air ar soinne air a' chrann-cheusaidh.
 C. Cionnus a ta e g'ar saoradh o dhaorsa ?
 F. Le 'chumhachd, a cur air aghaidh obair na h-iompachaidh agus na naomhachd annainn.
 C. Ciod am bàs a dh'fhuiling Criosd air ar son ?
 F. Bàs a' chroinn-cheusaidh.
 C. Ciod an gné bhàis bha'n sin ?
 F. Bàs malluichte, nàireach agus dòrainneach.
 C. Ciod a' chrìoch air sou an d'fhuair e bàs ?
 F. Chum a bhì na ìobairt bhcan-

- naichte, a dhioladh ceartais air son peacaidh, agus a chum sinne dheanamh rèidh ri Dia.
 C. Ciod i an ìobairt a thug Criosd a suas air ar son ?
 F. Thug e suas e féin.
 C. Cia aca a thug e suas 'anam no 'chorp ?
 F. Thug e suas iad le chéile air ar son.
 C. An d'fhuiling e ach corruich dhaoine agus dheamhain air ar son ?
 F. Dh'fhuiling e fearg Dhé mar an ceudna.
 C. An d'fhuiling e ach a mhàin na chorp air ar son ?
 F. Dh'fhuiling e 'na anam mar an ceudna.
 C. C'ait an d'rinn e sin gu sònraichte ?
 F. Anns a' ghàradh agus air a' chrann-cheusaidh.
 C. Cia mar a ta fios agad gu'n d'fhuiling e 'na anam an sin ?
 F. Leis an fhallas fhola, agus leis na briathraibh a labhair e san àm sin.
 C. An d'fhuair ceartas Dé lanioladh leis na dh'fhuiling Criosd air son a phobuill ?
 F. Fhuair.
 C. An iarr Dia tuille diolaidh air an son ?
 F. Cha'n iarr.
 C. Cia mar ata fios agad air sin ?
 F. Do bhàr gu'n dubhairt Criosd air a' chrann-cheusaidh, 'A ta e crìochnaichte, agus an sin thug e suas a spiorad.' Agus na dhéigh sin thogadh o'n uaigh e.

- E. Ciod a thachair do Chrìosd an déigh a bhàis ?
 F. Dh'adhlaiheadh a chorp san uaigh, agus chaidh 'anam gu Pharas.
 C. An do mhair an ceangal eadar dà nàdur Crìosd an déigh a bhàis ?
 F. Mhair.
 C. An d'fhan e fada ann an staid nam marbh ?
 F. Cha d'fhan.
 C. C'uin a dh'éirich e o'n uaigh ?
 F. Air an treas latha an déigh a bhais.
 C. Cò'n latha do'n t-seachdain air an d'éirich e ?
 F. Air a' cheud latha do'n t-seachdain, agus o sin goir car latha an Tighearna dheth.
 C. An robh an t-sàbaid san am sin air a h-atharrachadh o'n t-seachdamh chum a' cheud latha do'n t-seachdain ?
 F. Bha.
 C. C'ar son a rinneadh an t-atharrachadh so ?
 F. Mar urram do'r Fear-saoraidh, agus chum gu'n cumadhmaid suas buan chuimhne air 'aiseirigh ghlòrmhoir-san, agus a bhuaidh thar gach nambaid a ta aige-san agus againne.
 C. Cò iad na naimhde sin ?
 F. An diabhul, an saoghal, am peacadh, am bàs agus ifrinn.
 C. Am faca Crìosd truailhidheachd san uaigh ?
 F. Cha'n fhaca.
 C. Cionnus a thachair sin ?

- F. Do bhri gu'n robh e gur pheacadh.
 C. Co an cumhachd leis an d'éirich e ?
 F. Le cumhachd a Dhiadhachd féin.
 C. C'ar son a dh'éirich e ?
 F. A nochdadh gu'n robh cearstas air a làn dioladh, agus a naimhde uile air an ceann-sachadh.
 C. Cia fhad a dh'fhan Crìosd air thalamb an déigh dha éirigh ?
 F. Dà fhichead latha.
 C. Ciod a bha e deanamh rè na h-ùine sin ?
 F. Bha e daingneachadh a dheisciobuil 'nan creidimh, agus g'an teagasg anns na nithibh a bhuineas do rìoghachd Dhé.
 C. Ciod a rinn e an déigh sin ?
 F. Chaidh e suas air nèamh.
 C. C'ait am bheil e na shuidhe an sin ?
 F. Aig deas làimh Dhé.
 C. Ciod a tha e deanamh ?
 F. Tha e deanamh eadar-ghuidhe air ar soir-ne.
 C. An tig e gu bràth tuille cium an t-saoghail so ?
 F. Thig.
 C. C'uin ?
 F. Aig an latha dheireannach.
 C. Am bheil fios aig neach san bith c'uin a thig an latha sin ?
 F. Cha'n 'eil.
 C. C'ar son tha Dia a' cumail an latha sin am folach uainne ?
 F. Chum gu'n deanamaid faire gach aon latha, agus gu'n bith-

- eamaid a ghnàth air ar faicill.
 C. Ciod an dòigh air an tig
 Criosd a rìs ?
 F. Air dòigh ro ghlòrmhoir, le
 ainglibh naomha a' feitheamh
 air.
 C. C'ar son a thig e ?
 F. A thoirt breith air an
 t-saoghal.
 C. Co air an toir e breth san
 latha sin ?
 F. Araon air bheòthaibh agus
 air gach nìle-neach a bha, no
 a ta, no a bhitheas air an
 t-saoghal.
 C. Am bi gach neach ata marbh
 air an dùsgadh o'n uaighibh ?
 F. Bithidh.
 C. Ciod na cuirp leis an éirich
 iad ?
 F. Leis na cuirp cheudna bha
 aca roimhe a thaobh brìgh, ach
 eadar-dhealacht a thaobh
 am buaidhean.
 C. Cionnus a dhùisgear na
 mairbh ?
 F. Le treun ghuth an àrd-
 aingil, agus le fuaim na
 trompaid dheireannaich.
 C. Nach bi eadar-dhealachadh
 mòr eadar aiseirigh nam firean
 agus nan aingidh ?
 F. Bithidh.
 C. Ciod an t-cadar-dhealachadh
 a bhios ann ?
 F. Eiridh na fireana le glòir
 agus buaidh ; ach na h-ain-
 gidh le ball-chrith agus
 uamhunn.
 C. Am feum iad nìle teachd gu
 caithir breitheanais Chrìosd ?
 F. Feumaidh.

- . Co bhéir ann iad ?
 F. Bheir na h-aingil.
 C. Co chuireas an Breith-
 eamh air a làimh dheis ?
 F. Na fireana.
 C. Ciod a' bhreth a théid a
 thoirt orra-san ?
 F. 'Thigibh, a dhaoine beanna-
 aichte m' Athar-sa, sealbh-
 aichibh mar oighreachd an
 rioghachd a bha air a deas-
 achadh dhuibh o leagadh
 bunaite an domhain.'
 C. Co chuireas e air a làimh
 chli ?
 F. Na h-aingidh.
 C. Ciod a' bhinn a théid a
 thoirt orra-san ?
 F. 'Imichibh uam, a shluagh
 malluichte, chum an teine
 shiorruidh, a dh' ullnicheadh
 do'n diabhl is d'a ainglibh.'
 C. Co iad a bhios air an meas
 'nam fireanaibh san latha
 sin ?
 F. An dream sin a mhàin a ta
 air an sgeudachadh le firean-
 tachd Chrìosd.
 C. Am bi neach sam bith co-
 masach air seasamh 'na fhìr-
 eantachd féin san latha sin ?
 F. Cha bhi.
 C. C'ar son ?
 F. Do bhrì gu bheil ar n-uile
 fhìreantachd mar luideagaibh
 salach an làthair Dhé.
 C. Ciod a ta thu a ciallachadh
 le fireantachd Chrìosd ?
 F. 'Unhlachd-san araon anns
 na rinn agus na dh'fhuiling e.
 C. Ciod i umhlachd ghlòimhail
 Chrìosd ?

F. A bheatha naomha, leis an do choimhlean e an lagh gu h-ionmhan, a' deanamh 'nar n-àine nan dleasdanas tha an lagh ag aithne.

C. Ciod i umhlachd fulangais Chrìosd ?

F. Gu'n d' fhuiling e gach peanas agus diognaltas a thoill sinne thaobh bristeadh an lagha.

C. Cionnus a ta fireantachd Chrìosd air a deanamh thairis dhuinne ?

F. Le i bhì air a meas duinn air taobh Dhé, agus le creidimh air ar taobh féin.

C. C'uin a ta Dia a' meas fireantachd Chrìosd dhuinn ?

F. An uair a ta sinn a gabhail greim oirc le creidimh air son fireanachaidh.

C. Co aca ma ta, a tha sinn air ar fireanachadh le creidimh no le oibribh ?

F. Le creidimh a mhàin.

C. Am bheil luach sam bith ann an creidimh mar a ta e 'na ghràs annainne, eum ar fireanachaidh an làthair Dhé ?

F. Cha'n 'eil.

C. Cionnus ma ta a dh'fhìreanaicheas creidimh sinn, no cia mar a nì e sinn ionraic an làthair Dhé ?

F. A mhàin mar a ta e 'na mhcadhon, no mar làimh eum greimeachadh ri fireantachd Chrìosd.

C. An i fireantachd Chrìosd a mhàin is mathair-aobhair ar sinn fhìreanachadh ?

F. Is i.

C. An e creidimh meadhon-aobhair ar fireanachaidh ?

F. 'Se.

C. C'ar son nach urrainn fireantachd sam bith eile ach fireantachd Chrìosd ar fireanachadh an làthair Dhé ?

F. Do bhrì gu bheil 'fhìreantachd-san uil-ionmhan, agus gu'n tug i làn dioladh a dh' agartais ceartais.

C. Am feud dùil bhì aig neach sam bith, a shiorbhuaanaicheas 'na pheacadh, gu'm bi e air a thearnadh le fireantachd Chrìosd ?

F. Cha'n fheud.

C. Am bheil fireanachadh agus naonhachadh neo-eadar-dhealaichte ?

F. Tha.

C. Am feud sinn bhì air ar fireanachadh le Chrìosd gun chaochladh bhì air a dheanamh oirnn ?

F. Cha'n fheud.

C. Ciod an caochladh is éigin bhì air a dheanamh oirnn ?

F. Caochladh ro mhòr: 'S éigin gu'm bi an seann nadur air a thoirt air falbh, agus cridhe nuadh air a thoirt dhuinn.

C. Ciod i dreuchd an Spioraid Naoimh ann an obair slàint an duine ?

F. An t-saorsa agus na soch-airean a choisinn Chrìosd a chochur ris na daoineibh taghta.

C. Cionnus a ta e deanamh sin ?

F. Le creidimh oibreachadh anns a' chridhe, agus obarr

na h-iompachaidh agus na naomhachaidh a thoirt air a h-aghaidh san duine gu h-iomlan.

- C. Ciod iad na meadhona o'n leth muigh a ta Dia a' gnàthachadh gu coitchionn a thòiseachadh na h-oibre so ?
 F. 'Fhocal agus a shlat.
 C. Ciod e a' cheud cheum do dh'obair an Spioraid ann an anam an duine ?
 F. Geur-mhothachadh.
 C. Ciod air an toir e geurnihothachadh dha ?
 F. Araon air a pheacadh agus air a thruaighe.
 C. Ciod e an dara ceum do dh'obair an Spioraid ann an obair an iompachaidh ?
 F. Foillsichidh e Criosd do'n pheacach.
 C. Ciod a ni e na dhéigh sin ?
 F. Tairngidh e mach an cridhe gu gabhail ri Criosd agus ri slighe na naomhachd.
 C. Ciod an dòigh air an taisbein neach a ta air ath-nuadhachadh, gu bheil fìor-chaochladh air a dheanamh air ?
 F. Le fìor-ghràdh do Dhia agus le umhlachd d'a àitheantaibh.
 C. Cionnus is còir dhuit Dia a ghràdhachadh ?
 F. Le m' uile chridhe agus anam, agus os ceann gach ni a ta san t-saoghal.
 C. Cionnus is còir dhuit umhlachd a thoirt do àitheantaibh Dhé ?
 F. Gu treibhdhireach, gu hu-

nailteach, agus gu h-iomlan.

- C. Cia lion àithne ta ann ?
 F. Deich.
 C. Cionnus ata iad air an roinn ?
 F. Ann an dà chlàr.
 C. Cia lion a ta sa' cheud chlàr ?
 F. Ceithir.
 C. Cia lion a ta san dara clàr ?
 F. Sia.
 C. Ciod a ta air a chur sios anns a' cheud chlàr ?
 F. Ar dleasdanas do Dhia.
 C. Ciod a ta air a chur sios san dara clàr.
 F. Ar dleasdanas do dhuine.
 C. Cionnus a bha na deich àitheantan air an sgrìobhadh air tùs ?
 F. Bha iad air an sgrìobhadh le meur Dhé air dà chlàr chloiche.
 C. Co dha a thug Dia iad air tùs ?
 F. Do Mhaois.
 C. C'ait an d'thug e seachad iad ?
 F. Air sliabh Sinai.
 C. An urrainn thu an aithris ?
 F. Is urrainn.
 C. Nach bu chòir dhuit dichìoll a dheanamh chum an tuigsinn ?
 F. Bu chòir.
 C. Ciod i an àithne a tha toirmeasg iodhol-aoraidh, no aoraidh a thoirt do dhiathaibh bréige ?
 F. A' cheud àithne.
 C. Ciod i an àithne a ta toirmeasg saobh-chràbhadh, no aoradh do Dhia air mhodh mearachdach ?
 F. An dara h-àithne
 C. Ciod i an àithne a ta

toirmeasg mionnan, no mi-
naomhachadh ainm Dhé ?

F. An treas àithne.

C. Ciod i an àithne a ta cu
mar f'hiachlaibh ort latha na
sàbaid a choimhead ?

F. An ceathramh àithne.

C. Cionnus is còir dhuit an
t-sàbaid a choimhead ?

F. Le bhì ag aoradh do Dhia
araon gu h-uaingneach agus
gu follaiseach ; agus gun bhì
smuaineachadh mo smuainte
féin, no labhairt mo bhriathra
féin, no deanamh m'oibre féin
air an latha sin.

C. Ciod i an àithne a ta 'g
iarnidh ort umblachd a thoirt
do d' phàrantaibh ?

F. An cùigeamh àithne.

C. Ciod i an àithne a ta toir-
measg dhuit strì no dochann
a dheanamh air do choimh-
earsnach ?

F. An siathamh àithne.

C. Ciod i an àithne a ta toir-
measg neo-ghloine ?

F. An seachdamh àithne.

C. Ciod i an àithne a ta toir-
measg gadachd ?

F. An t-ochdamh àithne ?

C. Ciod i an àithne a ta toir-
measg bhreug ?

F. An naothamh àithne.

C. Ciod i an àithne a ta toir-
measg sannt ?

• F. An deicheamh àithne.

C. Ciod is suim do na deich
aitheantan ?

F. Dia agus mo choimhears-
nach a ghràdhachadh.

C. Am bu chòir dhuit na

h-àitheantan uile a choimhead
gu h-iomlan ?

F. Bu chòir.

C. Am bheil thu comasach air
sin a dheanamh ?

F. Cha'n 'eil.

C. Am bheil thu g'am bristeadh
gach latha ?

F. Tha.

C. Cia mar ta thu deanamh sin ?

F. Ann an smuain, am briathar,
agus an gnìomh.

C. An robh neach riamb ann a
bha comasach air na h-àith-
cantean so a choimhead gu
h-iomlan ?

F. Bha.

C. Co e ?

F. Adhamh, mu'n do thuit e.

C. An robh neach sam bith ann
o thuíteam an duine comasach
air an coimhead gu h-iomlan ?

F. Bha : Iosa Crìosd.

C. An robh annsan ach duine
a muàin ?

F. Bha.

C. Ciod e'le bha e ?

F. Bha e na Dhia agus na
dhuine ann an aon phearsa.

C. Ciod tha sinn a' toilltinn air
son bristeadh gach aon do na
h-àitheantan sin ?

F. Fearg Dhé araon anns a'
bheatha so agus sa' bheatha
a ta ri teachd.

C. Co an neach tre am bheil dùil
agad ri dol as o'n fheirg sin ?

F. Tre Iosa Crìosd a choimh-
lion ar lagh, agus a dhiol
ceartas air mo shon.

C. Am feud gach uile neach
còir agradh dha féin air na rinn

- agus na dh'fhuiling Crìosd ?
 F. Cha'n fheud.
 C. Co iad a dh'fheudas sin a dheanamh le barantas ?
 F. Gach fìor chreidmheach agus aithreachan treibhdhireach.
 C. Co iad na fìor chreidmhidh ?
 F. An dream sin a theich chum Iosa Crìosd, agus a ghabh ris le fìor chreidimh.
 C. Ciod e fìor chreidimh ?
 F. Is e làmh an anama e, a ghabhas greim air Crìosd, agus a shocraicheas air mar an Slànuighear, agus mar an-saorsa mhòr ata Dia a' taìrgse dhuinn.
 C. Ciod e a' chrìoch air son am bheil e air a thairgse ?
 F. Air son beatha agus slàinte.
 C. C'ait am bheil e air a thairgse dhuinn ?
 F. Anns an t-soisgeul.
 C. Cia mar a tha e air a thairgse dhuinn san t-soisgeul ?
 F. Gu saor, gu h-ìomlan, agus na uile dhreachdan, mar fhàidh, mar shagart, agus mar rìgh.
 C. Co iad na fìor aithreachain ?
 F. An dream sin a phill ri Dia ann an Crìosd le aithreachas fìor agus neo-chealgach.
 C. Ciod e fìor aithreachas ?
 F. Bròn treibhdhireach air son ar peacanna, le pillinn uatha gu Iosa Crìosd, agus gu slìghe na naomhadh.
 C. An urrainn thu creidsinn no aithreachas a dheanamh uait fein ?
 F. Cha'n urrainn.
 C. Cia mar ata fios agad air sin ?

- F. A ta focal Dé 'ga ianscadh dhomh : agus os bàrr, a ta mi a' mothachadh gu bheil mo chrìdhe thaobh nàduir marbh, agus cruaidh mar chloich.
 C. Ciod an ni a ta comasach air an anam mharbh a bheothachadh, agus air a' chrìdhe chruaidh a bhristeadh ?
 F. Cha'n 'eil ni sam bith ach neart uile-chumhachdaich Dhé, agus a shaor-ghràs.
 C. Nach bu chòir dhuit a glinàth sùil a bhli agad ris a' chumhadh sin agus bhì guidhe air a shon ?
 F. Bu chòir.
 C. Nach 'eil thu a thaobh nàduir a' d' choigreach do Dhia, agus fada uaith ?
 F. Tha.
 C. Cionnus a ta thu air do thoirt dlùth dha ?
 F. Tre fhuil Chrìosd.
 C. Ciod iad na meadhona cumanta leis am bheil sinn a' faotainn eòlais air Crìosd agus co-chomunn ris ?
 F. Am focal, sacramaint, agus urnuigh.
 C. Cionnus is còir dhuit am focal a leubhadh agus éisdeachd ?
 F. Le creidimh, le gràdh, agus le furachas.
 C. Ciod e sacramaint ?
 F. Is comhara so-fhaicsinneach e, chum Crìosd a thaisbeanadh agus a chur ruinn le 'uile shochairibh.
 C. Cia lion sacramaint ata ann ?
 F. Dà shacramaint.
 C. Ciod iad sacramaint an

- t-Seann 'Tiomnaidh ?
 F. Am timchioll-ghearradh agus an t-Uan-càisg.
 C. Am bheil iad sin a nis air an cur air chùl ?
 F. Tha.
 C. Ciod iad sacramainte an Tiomnaidh Nuaidh ?
 F. Am baisteadh agus suipeir an Tighearna.
 C. Co a dh'orduich iad sin ?
 F. Iosa Crìosd, aon cheannard na h-eaglais.
 C. Ciod i a' chrìoch chum an d'orduich a na sacramainte so ?
 F. Gu bhi 'nan seulaibh air cumhnant nan gràs, agus chum a phobull féin a dhaingneachadh 'nan creidimh.
 C. Cia fhad a mhaireas iad ?
 F. Gus an tig Crìosd a rìs.
 C. Ciod an samhladh no'n comhara o'n leth muigh, a ta air a ghnàthachadh anns a' bhaisteadh ?
 F. Uisge air a chrathadh air a' chòrp.
 C. Ciod a ta air a chiallachadh le sin ?
 F. Fuil Chrìosd a ghlanas air falbh peacadh agus ciont an anania.
 C. Co an t-ainm anns an do bhaisteadh thu ?
 F. An ainm an Athar, a' Mhic, agus an Spioraid Naoimh.
 C. Ciod iad na comharan on' leth muigh a ta ann an suipeir an Tighearna ?
 F. Aran agus lion.

- C. Ciod a ta iad sin a' ciallachadh dhuinne ?
 F. Corp agus fuil Chrìosd.
 C. Cuin a dh'orduich Crìosd an t-sacramaint so ?
 F. Ann an oidhche san do bhrathadh e.
 C. Ciod a' chrìoch chum an d'orduich e i ?
 F. Chum cuimhn a bhàis agus 'fhuilangais a chumail suas mcasg a phobuill féin gu deireadh an t-saoghail.
 C. Am bheil eadar-dhealachadh air bith eadar am baisteadh agus Suipeir an Tighearna ?
 F. Tha.
 C. Nach 'eil iad le chéile a' taisbeanadh, a' seulachadh, agus a' co-chur nan nithe ceudna ?
 F. Tha.
 C. C'ait am bhicil an t-eadar-dhealachadh ma ta ?
 F. Tha aon diubh air son tòiseachaidh,—an aon eile chum altruim ; 'se am baisteadh an dorus air an éigin do chloinn Dé dol a steach,—is i Suipeir an Tighearn am bord aig an éigin doibh a bli air am beathachadh.
 C. Am bheil am Baisteadh gu bhi air a fhrithealadh a rìs ?
 F. Cha'n 'eil.
 C. Am bheil Suipeir an Tighearna gu bhi air a gabhail gu minic ?
 F. Tha.
 C. Cia lion earraun a ta ann an Urnuigh ?
 F. Tri.

- C. Ciod iad ?
 F. Aidmheil, iarrtus, agus buidheachas.
 C. Co ris is coir dhuit urnuigh a dheanamh ?
 F. Ri Dia a mhàin.
 C. Co an t-ainm anns an còir dhuit t' athchuinge chur suas ?
 F. Ann an ainm Chrìosd.
 C. Ciod an dòigh air an còir dhuit t' urnuigh a dheanamh ?
 F. Le irioslachd, le creidimh, agus le dùrachd.
 C. Ciod iad na nithe is còir dhuit iarruidh ann ad urnuigh ?
 F. A mhàin nithe a réir toil Dhé.
 C. An d'thug Dia riaghailt air bith chum urnuigh a dheanamh ?
 F. Thug.
 C. Ciod i ?
 F. Na Sgrìobtuire Naomha gu léir, agus urnuigh an Tighearna gu h-àraidh.
 C. An urrainn thu urnuigh an Tighcarn aithris ?
 F. Is urrainn.
 C. Cia lion earrann a ta ann an urnuigh an Tighearna ?
 F. Tri.
 C. Ciod iad ?
 F. Roimh-radh, sia iarrtuis, agus co-dhùnadh.
 C. Cia lion iarrtus dhiubh sin a ta air son nithe aimsireil ?
 F. Cha'n 'eil ach a h-aon.
 C. Co dhiubh e ?
 F. An ceathramh, eadhon, 'Their dhuinn an diugh ar n-aran lathail.
 C. C'ar son nach 'eil ach aon

- iarrtus air son tiodhlaca aimsireil ?
 F. A theagasg dhuinn bhì nì's dùrachdaiche air son bheannachdan spioradail, na air son nithe maithhe na beatha so.
 C. Ciod iad na nithe sin is dùrachdaiche bu chòir dhuit bhì 'g iarruidh ann ad urnuigh ?
 F. Tròcair chum maithneas fhaotainn ann am pheacadh, agus gràs chum mo chuid-eachadh ann am fheum; agus gu sonruichte gu'm bithinn air mo neartachadh a'g uair mo bhàis.
 C. Am bheil dòigh sam bith air dol as o'n bhàs ?
 F. Cha'n 'eil.
 C. C'ar son ?
 F. Do bhrì gu bheil e air or-duchadh do na h-uile dhaoine bàs fhaotainn aon uair.
 C. An robh neach riamh ann a bha air a shaoradh o'n bhàs ?
 F. Cha robh ach Fnoch agus Elias.
 C. Ciod a thachair dhoibh-san ?
 F. Bha iad air an atharrachadh gu nèamh gun am bàs a bhlasad.
 C. Ciod a thug am bàs a chum an t-saoghail ?
 F. Thug am peacadh.
 C. Nach 'eil na creidimhich idir làn-shaor o pheacadh gus am bàsaich iad ?
 F. Cha'n 'eil.
 C. Ciod e gath a' bhàs ?
 F. Am peacadh.
 C. Co thug an gath as a' bhàs do na creidimhich ?

- F. Thug Crìosd.
 G. An bhèil am bàs ma seadh na pheanas do na creidmhidh?
 F. Cha'n 'eil.
 C. Nach 'eil am bàs na bhuannaichd dhoibh?
 F. Tha.
 C. Cia mar so?
 F. Do bhrì gu'n cuir e crìoch air an trioblaid; agus gu bheil e na fhuasgladh beannaichte dhoibh o'n truaighe, agus na thoiseach sonais.
 C. Co ris a shamhlaichear bàs nan creidmheach san sgrìob-tuir?
 F. Ri codal.
 C. Co ris a shamhlaichear an uaighean?
 F. Ri leabaichibh fois.
 C. Cia uaithe a ta iad a' gabhail fios?
 F. O bhuaireibh an diabhail, o gheur-leannhuinn an t-saoghail, agus o chogairsich a' pheacaidh.
 C. Ciod e am bàs do'u duine aingidh?
 F. Is peanas e air son peacaidh, agus dorus gu truaighe shiorruidh.
 C. Ciod i an uaigh dhasan?
 F. Is prìosan i a choimhead a chuirp, chum breitheanais an latha mhòir.
 C. Ciod a tharlas do'n anam aig a bhàs?
 F. Pillidh e gu Dia thug uaith e, a dh'fhaotainn a bhinn.
 C. C'ait an cuir Dia na h-aingidh?
 F. Do dh'ifrinn.

- C. Co a ta chomhnuidh an sin?
 F. An diabhul agus 'ainglibh.
 C. Ciod an gnè ait a ta an ifrinn?
 F. Tha ionad doruinneach; loch a ta losgadh le tcine agus pronnusc gu siorruidh.
 C. C'ait an d'théid na daoine diadhaidh aig a bhàs?
 F. Gu nèamh.
 C. Co iad a ta chomhnuidh an sin?
 F. Tha Dia, agus Crìosd, agus na h-aingil naomha.
 C. Ciod a' ghnè ait a ta an nèamh?
 F. Aite ro-ghlòrmhor far am bheil lan-aoibhneas agus sòlas gu siorruidh.
 C. Ciod a bhios na h-aingidh a deanamh an ifrinn?
 F. Bithidh iad a' mallachadh, agus a' labhairt toibheum gu siorruidh.
 C. Ciod a bhios na naoimh a' deanamh air nèamh?
 F. Bithidh iad a' moladh Chrìosd, a' seinn cliu, agus a' deanamh gairdeachas gu siorruidh.
 C. Cionnus a gheibh sinn do'n ionad bheannaichte sin?
 F. 'S éigin duinn bhi sealltuinn ri Iosa ar fearuìil, eisempleir a bheatha a leantuinn, agus bun a dheanamh a toillteanas a bhais.

*Cèistean Eachdraidh air an
toirt as a Bhiobul air son
Cloinne.*

C. Co e a' cheud duine bha air
an t-saoghal ?

F. Adhamh.

C. Co i a' cheud bhean a bha
ann ?

F. Eubha.

C. Co dheth a rinneadh
Adhamh ?

F. Do dhuslach na talmhainn.

C. Co dheth a rinneadh Eubha ?

F. Do dh' aisne a taobh
Adhaimh.

C. C'àit an do chuir Dia iad
nuair a chruthaich e iad ?

F. Ann an gàradh Edein.

C. Co airson a chuir e an sin iad ?

F. Chum a choimhead agus a
dheasachadh.

C. Co a' cheud mhortair a bha
air an t-saoghal ?

F. Càin.

C. Co a' cheud neach a mharbh-
adh air son na diadhachd ?

F. Abel.

C. Co do mhic Adhaimh o'n
d' thainig na fireanaich ?

F. O Shet.

C. Co an duine bu shine bha
air an t-saoghal ?

F. Metuselah.

C. Cionnus a bha an seann
saoghal air a sgrios ?

F. Leis an tuil.

C. Cuin a thachair sin ?

F. Mu thimchioll sia ceud deug
bliadhna da fhichead sa sia
deug an déigh a chruthach-
aidh.

C. C'ar son a sgriosadh an
seann saoghal ?

F. Air son am peacanna
uamharra an aghaidh Dhé.

C. Co a bha air an tearnadh o'n
léir-sgrios mhòr sin ?

F. Cha robh a h-aon ach Noah
agus a theaghlach.

C. Cionnus a bha esan air a
thearnadh ?

F. Leis an airc a rinn e.

C. Cia fhad a bha e deanamh
na h-airce ?

F. Ceud agus fichead bliadh-
na.

C. C'ar son a bha e co fhada
ga deanamh ?

F. Chum rabhadh a thoirt do'n
t-saoghal, agus ùine gu aith-
reachas a ghabhail d'am peac-
annan.

C. An robh e air a shon so air
a glairm na shearmonaiche
fireantachd ?

F. Bha.

C. Cia lion mac a bha aig Noah ?

F. Triuir ? Sem, Ham, agus
Iaphet.

C. Co dhiubh a b'fhcarr ?

F. Sem.

C. Co bu mhiosa dhiubh ?

F. Ham.

C. Co dhiubh o'n d' thainig
sinne ?

F. O Iaphet.

C. Ciod i a' cheud chànan a
a bha air air an t-saoghal ?

F. A' chànan Eabhruideach.

C. Cuin a thòisich atharrachadh
nan cànan ?

F. Aig togail Bhabeil.

C. Cionnus a chaidh Sodom a
sgrios ?

- F. Le teine agus pionnusc o nèamh.
 C. An robh neach sam bith sa' bhaile sin air an tearnadh uaithe ?
 F. Cha robh a h-aon ach Lot, a bhean, agus a dbà nighinn.
 C. Ciod a thachair d'a mhnaoi ?
 F. Rinneadh, creag shalainn di.
 C. Ciod a b'aobhar do'n pheanas mhòr so ?
 F. A chionn gu'n d'amhairc i air a h-ais air Sodom, agus air son a gràidh do'n t-saoghal.
 C. Co de'n goirear athair nan creidmheach ?
 F. De Abraham.
 C. Ciod an deuchainn bu mhò a fhuair a chreidimh-san ?
 F. A mhac Isaac ìobradh suas air iarrtus Dé.
 C. Cia lion mac a bha aig Isaac ?
 F. A dha, Jacob agus Esau.
 C. Cia lion mac a bha aig Jacob ?
 F. A dhà-dheug.
 C. Co dhiubh bu shine ?
 F. Reuben.
 C. Co dhiubh a b'òige ?
 F. Benjamin.
 C. Co dhiubh a reiceadh do'n Eiphit ?
 F. Ioseph.
 C. Co a reic e ?
 F. A bhràithrean.
 C. Cia lion treubh a bha ann de chloinn Israeil ?
 F. A dhà-dheug.
 C. Co da na treubhaibh sin as an do roghnaich Dia a shagairtean agus a mhinisteirean ?
 F. A treubh Lebhi.

- C. Co'n treubh dhiubh o'n d' thàinig Criosd ?
 F. O threubh Iudaih.
 C. Cionnus a bha na h-Israelich air an sàruchadh san Eiphit ?
 F. Rinneadh tràillean de'n cuirp, agus sgriosadh an clann mhac san amhainn Nilus.
 C. Co a shàruich iad ?
 F. Pharaoh, rìgh na h-Eiphit.
 C. Cia lion plàigh a chuir an Tighearn air an Eiphit air a shon so ?
 F. Deich plàighean.
 C. Cia mar a léir-sgriosadh na h-Eiphitich mu dheireadh ?
 F. Bha iad air am bathadh sa' mhuir-ruaidh.
 C. Cionnus a bha clann Israeil air an teasainginn an uair sin ?
 F. Sgoilt an Tighearna a' mhuir-ruadh, air cher is gu'n deachaidh iad a null air talamh tioram.
 C. Co thug a mach as an Eiphit iad ?
 F. Maois.
 C. Cionnus a bha iad air an stiùradh troimh an fhàsach ?
 F. Le slaman-ceathaich san latha, agus le meall teine san oidhe.
 C. Cionnus a bha iad air am beathachadh an sin ?
 F. Le mana o nèamh.
 C. Cia mar a fhuair iad deoch san fhàsach thioram sin ?
 F. Thug Dia uisge dhoibh as a' charraig, a lean iad fad na slighe.
 C. Co iadsan air an d'fhosgail an talamh, agus a bha air an

- slugadh sìos beò ?
 F. Corah, Datan, agus Abiram.
 C. C'ar son a rinneadh am peanas so orra ?
 F. Air son an ceannairc an aghaidh Mhaois agus Araoin.
 C. Cia lion a bha ann do chloinn Israeil 'nuair a thàinig iad mach as an Eiphit ?
 F. Mu thimchioll sia ceud mìle.
 C. Cia lion diubh sin a chaidh steach do thìr Chanaain ?
 F. Cha deachaidh neach ach Caleb agus Iosua.
 C. Ciod a thachair do chàch ?
 F. Fhuair iad uile bàs anns an fhàsach.
 C. Ciod am peacadh bu mho a rinn iad san fhàsach ?
 F. An laogh òir a dheanamh agus aoradh dha.
 C. Co an duine bu chiuine bha air thalamh ?
 F. Maois.
 C. Co'n duine bu treise bha ann ?
 F. Samson.
 C. Co'n duine b' fhoighidnich bha ann ?
 F. Iob.
 C. Co'n duine bha a réir cridhe Dhé ?
 F. Daibhidh.
 C. Co'n duine bu mhaisiche bha ann ?
 F. Absalom.
 C. Co'n duine bu ghlice bha ann ?
 F. Solamh.
 C. Co e Solamh ?

- F. Mac Dhaibhidh, agus Rìgh Ierusalem.
 C. Co thog tearpull Ierusalem ?
 F. Thog Solamh, an rìgh glic agus cumhachdach sin.
 C. Cuin a thogadh e ?
 F. Mu thimchioll mìle bliadhna roimh theaclid Chrìosd.
 C. Co iad a bha air an tilgeadh do'n àmhuinn theintich ?
 F. Sadrach, Mesech, agus Abednego.
 C. C'ar son a chuireadh ann iad ?
 F. A chionn nach deanadh iad aoradh do'n Ìonraigh òir a rinn Nebuchadnedsar.
 C. Co a chaidh thilgeadh ann an garaidh nan leòmhann ?
 F. Daniel.
 C. C'ar son a chuireadh ann e ?
 F. A chionn nach sgu'eadh e bhì deanamh urnuigh ri Dia.
 C. Co chaidh a thilgeadh san fhairge, agus a shluigeadh suas le muic-mhara ?
 F. Ionah.
 C. An robh na daoine naomha sin uile air an coimhead agus air an saoradh ?
 F. Bha ; le cumhachd agus tròcair Dhé.
 C. Ciod an t-àm an d' rugadh ar Slànuighear ?
 F. Mu thimchioll ceithir mìle bliadhna an déigh cruthachaidh an t-saoghail.
 C. Co an rìgh a bha ann an Iudea san àm sin ?
 F. Herod.
 C. Co bha na laogair air an

- Roimh an sin ?
 F. Augustus.
 C. Co a bha na roimh-rùithear aig Crìosd ?
 F. Eoin Baiste.
 C. Cìod a thachir dhasan ?
 F. Thugadh an ceann deth sa' phrìosan le ordugh o Herod.
 C. C'ar son a rinneadh sin ?
 F. Do bhri' gu'n do chronuich e Herod air son 'aingidheachd.
 C. Co a dh'fhoillsich breth Chrìosd an toiseach ?
 F. Dh'fhoillsich na h-aingil.
 C. Co do'n d'fhoillsich iad e ?
 F. Do bhuachaillibh chaorach.
 C. Co thug a' cheud aoradh do Chrìosd an déigh a bhreth ?
 F. An triuir dhaoine glic a thàinig o'n àirde 'n ear.
 C. Cionnus bha iad air an stiùradh d'a ionnsuidh ?
 F. Le reult.
 C. Co a mharbh a' chlann òga ann am Betlehem ?
 F. Herod.
 C. C'ar son a mharbh e iad ?
 F. A chionn gu'n robh dùil aige Crìosd a mharbhadh 'nam measg.
 C. Cionnus a thèarnadh Crìosd ?
 F. Bha e air a ghiulan do'n Eiphit le Ioseph agus Muire.
 C. Cia lion Abstol a roghnaich Crìosd ?
 F. A dhà-dheug.
 C. Co dhiubh a b' ionmhuinn leis ?
 F. Eoin.
 C. Co dhiubh a b' eudmhoire ?
 F. Peadar.

- C. Co dhiubh a thug e leis chum bhì 'nam fianuisibh air a chruth-atharrachadh, agus air a chràdh-anama ?
 F. Peadar, Seumas, agus Eoin.
 C. Co dhiubh a dh' àicheadh e ?
 F. Peadar.
 C. Co dhiubh a bhrath e ?
 F. Iudas.
 C. Cia meud air an do reic se e ?
 F. Air son deich buinn fhìch-ead airgid.
 C. Cìod a thachair do Iudas an déigh sin ?
 F. Thuit e ann an eu-dòchas, agus chroch se e féin.
 C. Co an neach leis an do dhìtheadh Crìosd gu bhì air a cheusadh ?
 F. Pontius Pilat an t-Uachdar-an Romanach.
 C. Co a bhrosuich Pilat gu sin a dbeanamh ?
 F. Na h-Iudhaich.
 C. Co do na h-Abstolaibh a chaidh mharbhadh an toiseach ?
 F. Seumas.
 C. Co dhiubh a b' fhaide mhair beò ?
 F. Eoin.
 C. Co a' cheud neach a chaidh mharbhadh air son Chrìosd ?
 F. Stephen.
 C. Cìod am bàs a fhuair e ?
 F. Chlachadh gu bàs e.
 C. Co neach a bha air itheadh suas le cnuimhibh ?
 F. Herod a mharbh Seumas leis a' chlàidheamh.
 C. Co neach a smuainich an Spiorad Naomh a c' eannach

le h-airgiod ?

F. Simon Magus.

C. Co neach sin, o bhi na fhear-geur-leanmhuinn a thionndaidh gu bhi na shearmonaich ?

F. Pol.

C. Co neach sin a chriothnaich ri searmoin Phoil ?

F. Felics, an t-uachdaran Romanach.

C. Co an rìgh sin bha am fogus do bhì air aomadh le Pol gu bhi na Chrìosduidh ?

F. Rìgh Agripa.

C. Cuin a bha baile agus team-pull Ierusalem araon air an sgrios ?

F. Mu thimchioll dà fhichead bliadhn' an déigh bàis Chrìosd.

C. Co leis a rinneadh sin ?

F. Le Titus, Impeir na Roinn

C. Ciod a thachair do na Fàidh-ibh agus do na h-Abstolaibh ?

F. Dh' fhuiling a' chuid bu mho dhiubh am bàs air son an teagaisg thug iad seachad.

Bha Isaiah air a shabhadh as a chéile ; bha Jeremiah air a chlachadh ; bha Peadar agus Aindreas air an ceusadh ; agus thugadh an ceann do Phoil, agus mar sin a sìos.

URNUGH AN TIGHEARNA.

Ar n-Athair a ta air nèamh, gu n-omhaichear t'ainm. Gu n-geadh do rìoghachd. Gu dean-ur do thoil air thalamh, mar a th' ear air nèamh. Tabhair bann an diugh ar n-aran la-

thail. Agus maith dhuinn a fiacha mar a mhaitheamaid d'ar luchd-fiachaibh. Agus na leig sinn am buaircadh, ach saor sinn o olc: Oir is leats an rìoghachd, agus an cumhachd, agus a' ghlòir gu sìorruidh. Amen.

A' CHREID.

CREIDEAM ann an Dia an t-Athair Uile-chumbachdach, Cruithernèimh agus na talmhainn ; agus ann an Iosa Crìosd, aon mhac-san, ar Tighearna, neach a ghineadh o'n Spiorad Naomh, a rugadh leis an Oigh Muire, a dh' fhuiling fuidh Phontius Pilat, a cheusadh, a fhuair bàs, agus a dh' adhlac-eadh, a chaidh sìos do staid nam marbh, a dh' éirich a rís o na marbhaibh air an treas latha, a chaidh suas air nèamh, agus a ta na shuidhe air deas làimh Dhé an Athar Uile-chumbachdach, agus as sin a thig a thoirt hreith air na beothaibh agus air na marbhaibh. Creideam anns an Spiorad Naomh, anns an eaglais naoimh choitcheonn, ann an co-chomunn nan naoimh, ann an aiseirigh a' chuirp, agus anns a' bheatha mhaireann-aich. Amen.

ALTACH ROIMH BHIADH.

O Dhe ghrasmhoir, pheac-aich sinne a'd' aghaidh, agus leis a sin chaill sinn coir air

gach uile thiodhlaic; gidheach
tha thusa gabhail truas ruinn,
agus a toirt loin dhuinn: A
Thighearna, deonich dhuinn
a gabhail gu measara agus le
buidheachas; agus deàn sinne
le gnathachadh na meadhona
beatha so, ni 's iomchuidh air
son do sheirbhis fein, trid Iosa
Criosd. Amen.

Aon-eile.

A Dhe bheannuichte, thoir
maitheanas dhuinn ann ar peac-
aibh; bi rèidh ruinn, agus buin
o na tiodhlacaibh so am mall-
uchadh a ta a' leantuinn riu
air son ar peacaidh; agus
naomhaich na sochaire so chum
ar feum, agus deònaich dhuinn
itheadh agus òl chum do ghlòir-
sa, air sgàth Iosa Criosd.
Amen.

ALTACH AN DEIGH BITH.

A Dhe bheannuichte ciod a
dh'ìocas sinne dhuit air son
t-uile thiodhlaic? 'S ann ann-
ads a ta ar bith, ar beatha, agus
comas ar glusaid. Mar a ta
sinn air ar gleidheadh beo le do
fhreasdal-sa, a Thighearna,
deonich dhuinn bhì beo chum
do chliu, le duil agus deigh air
beatha is fearr maille riut fein
shuas air nèanbh, trid Iosa
Criosd ar Tighearna. Amen.

Aon eile.

Bheireamaid buidheachas
dhuit, O Dhe ghràs-mhoir, air
son Chrìosd, agus gach beau-

nachadh thug thu dhuinn leis
buidheachas duitse a bheath-
aich ar cuirp air an àm so. C
Biodh an tiodhlaic so na earla
air tiodhlacaibh is mò agus is
fearr air an ulluchadh dhuinn
ann an Criosd, agus deònaich
dhuinn saothreachadh air son
a' bhìdh nach teirig ach a
mhaireas chum na beatha
bhith-bhuain, trid Iosa Criosd.
Amen.

*Na Deich Aitheantan mar ar-
iad ann an ranntachd chru-
mannta.*

1. Na geill do Dhia sam bith
ach mi.
2. 'S do dh'ionlaidh ghrann
am feasd na striochd.
3. Ainm naomh do Dhé na
lugh gu faoin.
4. Cuimhnich a Shabaid
choimhead naomh.
5. Do d' pharanntaibh the
onoir mhor.
6. Is neach sam bith na mer
's na leon.
7. 'S o neo-ghloin eum thu
fein gun lochd.
8. 'S na goid ged bhios d
staid gu bochd.
9. Is fianuis bhreig na toir ai
neach.
10. 'S na sanntaich cuid d
choimhearsnaich.

A' CHRIOCH.



GAELIC CATECHISMS, &c.

Printed and Sold

**BY THORNTON AND COLLIE,
EDINBURGH.**

The Assembly's Shorter Catechism,
Price 1d.

Proof Catechism, 2d.

The Mother's Catechism, 1½d.

The same, *in English*, 1d.

Mother's Catechism, *Gaelic and English* new corrected edition, *in stiff cover*, 4d.

Buchanan's Hymns, 4d.

Colquhoun's Sacramental Catechism,
6d.

Do. in boards, 9d.

A History of the Animals mentioned in
Scripture, with elegant engravings;
9d.

*A liberal Allowance to Schools and Societies
and orders from the country, with ca-
or respectable reference, promptly attend-
ed to.*

